

Grad Novi Pazar

Skupština grada

Odbornici SDA Sandžaka

Novi Pazar

13. maj 2024. godine

P R E D S J E D N I K U

SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O UTVRĐIVANJU MODELA UČEŠĆA ORGANIZACIJA CIVILNOG DRUŠTVA U RADU SKUPŠTINE GRADA NOVOG PAZARA,** sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja je zakazana za 14. maj 2024. godine.

Odbornici SDA Sandžaka u Skupštini grada

Merfid Kamešničanin, predsjednik odborničke grupe, dr. Adem Đerlek, odbornik

Dinheta Pulić, zamjenik predsjednika odborničke grupe, Džanan Bačićanin, odbornik

Maida Baltić Spahović, odbornik, Saima Brunčević, odbornik

Kenan Kadrić, odbornik, Kadir Trubljanin, odbornik

Adem Pepić, odbornik, Ilma Dupljak, odbornik

Ovlašteni predstavnik predlagача je odbornica Ilma Dupljak

PRIJEDLOG

Na osnovu člana 32. stav 1. tačka 1) i 20) Zakona o lokal Zakona o lokalnoj samoupravi („Službeni glasnik RS“, broj 129/2007, 83/2014 - dr. zakon, 101/2016 - dr. zakon, 47/2018 i 111/2021 - dr. zakon), člana 46. stav 1. tačka 1) i 77) i člana 147. Statuta grada Novog Pazara, („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 14. maja 2024. godine, donosi

O D L U K U

o utvrđivanju modela učešća organizacija civilnog društva u radu Skupštine grada Novog Pazara

Član 1.

Skupština grada Novog Pazara utvrđuje konsultativno – parcitipativni status, kao model učešća organizacija civilnog društva u radu Skupštine grada Novog Pazara.

Član 2.

Zadužuje se Komisija za statutarna, normativna i organizaciona pitanja, da, u roku od 30 dana od dana donošenja ove odluke, utvrdi prijedloge za izmjene i dopune Statuta grada Novog Pazara i Poslovnika Skupštine grada Novog Pazara, kojim će propisati:

- pravo organizacijama civilnog društva na sticanje konsultativno – parcitipativnog statusa u Skupštini grada Novog Pazara;
- postupak i način sticanja konsultativno – parcitipativnog statusa;
- da sticanje konsultativno – parcitipativnog statusa podrazumijeva pravo prisustvovanja sjednicama Skupštine grada Novog Pazara sa pravom

predlaganja tačkaka dnevnog reda, učešća u raspravama a bez prava odlučivanja.

Član 3.

Ovu odluku objaviti u "Službenom listu grada Novog Pazara".

SKUPŠTINA GRADA NOVOG PAZARA

Broj:

U Novom Pazaru, 14. maja 2024. godine

PREDSJEDNIK

O B R A Z L O Ž E N J E:

PRAVNI OSNOV ZA DONOŠENJE ODLUKE:

Pravni osnov za donošenje odluke sadržan je u:

- članu 32. stav 1. tačka 1) i 20) Zakona o lokalnoj samoupravi;
- članu 46. stav 1. tačka 1) i 77) i članu 147. Statuta grada Novog Pazara; i
- članu 137. Poslovnika Skupštine grada Novog Pazara.

RAZLOZI ZA DONOŠENJE ODLUKE:

Razlozi za donošenje ove odluke sadržani su u potrebi da se civilno društvo odnosno relevantne organizacije civilnog društva aktivno uključe u rad Skupštine grada, Shodno tome, kao model sudjelovanja organizacija civilnog društva, utvrđen je konsultativno – participativni status koji podrazumijeva pravo na prisustvovanje sjednicama Skupštine grada, pravo na predlaganje tačaka dnevnog reda, pravo učešća u diskusijama ali bez prava odlučivanja. Organizacije civilnog društva bitan su društveni faktor i čest pokretač pozitivnih društvenih kretanja, edukativnih i drugih aktivnosti te kao takve zaslužuju da na određeni način sudjeluju u radu Skupštine grada kao najvišem predstavničkom tijelu građana Novog Pazara, i da idejama, projektima i inicijativama daju svoj puni doprinos unapređenju rada organa lokalne vlasti u Novom Pazaru. Uključivanjem, na odgovarajući način odnosno putem konsultativno – parcitipativnog statusa, organizacija civilnog društva u rad Skupštine grada, podiže se stepen i nivo demokratije, transparentnosti, dijaloga, a Skupština grada sebe etablira kao efikasan servis i zaštitnik interesa građana, te instituciju kojoj građani vjeruju, instituciju koja prepoznaje i promovise kvalitet kreativnosti svojih građana.

Način na koji trenutno Skupština grada funkcioniše, njena uloga, svrha i značaj su obesmišljeni i degradirani te je potrebno putem ove i sličnih mjera vraćati povjerenje građana u Skupštinu grada Novog Pazara.

Pored toga, usvajanjem i primjenom ove odluke Novi Pazar postaće lider u približavanju lokalne vlasti građanima i biće prva lokalna samouprava u državi i regionu koja je institucionalizovala i normirala svoju otvorenost i dala mogućnost da različiti društveni

faktori kroz Skupštinu grada predlažu i prezentuju svoje ideje, ciljeve, programe i projekte koji imaju za cilj unapređenje uslova življenja za sve građane Novog Pazara.

OBJAŠNJENJE POJEDINAČNIH RJEŠENJA PROPISANIH OVOM ODLUKOM:

Član 1: Utvrđen je predmet odluke.

Član 2: Propisana je obaveza Komisiji za statutarna, normativna i organizaciona pitanja te utvrđen pravac izmjene Statuta grada i Poslovnika Skupštine grada.

Član 3: Propisana je obaveza objavljivanja ove odluke u „Službenom listu grada Novog Pazara“

Finansijska sredstva za sprovođenje ove odluke nisu potrebna.